

სსიპ „ბათუმის შოთა რუსთაველის სახელმწიფო უნივერსიტეტი“ აცხადებს ღია კონკურსს სამეცნიერო თანამდებობების დასაკავებლად

სსიპ „ბათუმის შოთა რუსთაველის სახელმწიფო უნივერსიტეტი“ (შემდგომში - უნივერსიტეტი/ბსუ) აცხადებს ღია კონკურსს, აგრარული და მემბრანული ტექნოლოგიების ინსტიტუტში, ფიტოპათოლოგიისა და ბიომრავალფეროვნების ინსტიტუტში და ნიკო ბერძენიშვილის ინსტიტუტში 2015 წლის 10 ივნისიდან, 4 წლის ვადით, სამეცნიერო თანამდებობების (მთავარი მეცნიერი თანამშრომელი, უფროსი მეცნიერი თანამშრომელი, მეცნიერი თანამშრომელი) დასაკავებლად.

I. განცხადებების მიღებისა და კონკურსის ჩატარების ვადები

1.1. კონკურსში მონაწილეობის მსურველთა განცხადებებისა და საბუთების მიღება იწარმოებს საპროცედურო კომისიების მიერ 2015 წლის 23 აპრილიდან 08 მაისის ჩათვლით, ყოველდღე (დასვენების დღეებისა და შაბათ-კვირის გარდა), 10⁰⁰ საათიდან 15⁰⁰ საათამდე, შემდეგ მისამართზე: ა) ნიკო ბერძენიშვილის ინსტიტუტი - ბათუმი, ნინოშვილის ქუჩა №35, ოთახი №5, ტელ.: 599 96 89 58;

ბ) აგრარული და მემბრანული ტექნოლოგიების ინსტიტუტი - ქ. ბათუმი, დასახლება მწვანე კონცხი, ოთახი №207, ტელ.: 558 20 14 54;

გ) ფიტოპათოლოგიისა და ბიომრავალფეროვნების ინსტიტუტი - ქობულეთი, თავისუფლების ქუჩა №90, ოთახი №44, ტელ.: 591 98 03 84;

1.2. კონკურსი ჩატარდება 2015 წლის 01 ივნისიდან 03 ივნისის ჩათვლით, ხოლო შედეგები გამოქვეყნდება არაუგვიანეს 2015 წლის 8 ივნისისა შესაბამისი ინსტიტუტის საინფორმაციო დაფაზე და უნივერსიტეტის ვებ-გვერდზე: www.bsu.edu.ge. კონკურსში გამარჯვებულ პირთან შრომითი ხელშეკრულება გაფორმდება 2015 წლის 10 ივნისიდან.

II. საკონკურსო პირობები

2.1. კონკურსის ძირითადი პირობები:

ა) მეცნიერ - თანამშრომლის თანამდებობის დაკავება შეუძლია პირს, თუ მას აქვს მაგისტრის აკადემიური ხარისხი ან მასთან გათანაბრებული აკადემიური ხარისხი.

ბ) უფროსი მეცნიერ - თანამშრომლის თანამდებობის დაკავება შეუძლია პირს, თუ იგი არის დოქტორანტი ან აქვს დოქტორის ან მასთან გათანაბრებული აკადემიური ხარისხი და გააჩნია მიმართულებაში მუშაობის არანაკლებ 2 წლის სტაჟი;

გ) მთავარი მეცნიერი თანამშრომლის თანამდებობის დაკავება შეუძლია პირს, თუ მას აქვს დოქტორის ან მასთან გათანაბრებული აკადემიური ხარისხი და გააჩნია მიმართულებაში მუშაობის არანაკლებ 3 წლის სტაჟი;

2.2. კონკურსში მონაწილეობის მსურველმა შესაბამის საკონკურსო კომისიაში უნდა წარმოადგინოს:

ა) სათანადო ფორმით შედგენილი და ხელმოწერილი განცხადება და ანკეტა (ფორმები გაიცემა საპროცედურო კომისიის მიერ), აგრეთვე მათში წარმოდგენილი ინფორმაციის დამადასტურებელი დოკუმენტაცია: დიპლომი, სერტიფიკატი, მოწმობა, სიგელი, ცნობა და ა.შ. (ნოტარიულად დამოწმებული ასლი);

ბ) პირადობის მოწმობა (დედანი და ქსეროასლი);

გ) 2 ც. ფოტოსურათი, 3X4.

დ) ბოლო ხუთი წლის განმავლობაში შესრულებული საუკეთესო სამეცნიერო ნაშრომი;

2.3. განყოფილების/ლაბორატორიის უფროსის (მთავარი მეცნიერი თანამშრომლის) თანამდებობაზე ასარჩევი კანდიდატი ვალდებულია დამატებით წარმოადგინოს დარგის განვითარების ხედვა და სამეცნიერო კვლევის კონცეფცია;

2.4. მთავარი მეცნიერი თანამშრომლისა და უფროსი მეცნიერი თანამშრომლის თანამდებობაზე ასარჩევი კანდიდატი ვალდებულია დამატებით წარმოადგინოს სამეცნიერო მიმართულების შესაბამისი კვლევის კონცეფცია;

2.5. მეცნიერი თანამშრომლის თანამდებობაზე ასარჩევი კანდიდატი ვალდებულია დამატებით წარმოადგინოს სამოტივაციო წერილი;

2.6. შესაბამისი დოკუმენტაციის წარმოდგენის შემთხვევაში სამეცნიერო თანამდებობაზე ასარჩევი კანდიდატის გამოსავლენად გაითვალისწინება აგრეთვე:

ა) კვლევისათვის სახსრების მოძიების გამოცდილება (სამეცნიერო და სასწავლო გრანტები და საერთაშორისო პროგრამები) (ბოლო 5 წლის განმავლობაში);

ბ) კონკურსანტის მიერ ბოლო 5 წლის განმავლობაში გამოქვეყნებული წიგნები (მონოგრაფიები, სახელმძღვანელოები, საცნობარო ლიტერატურა) და სამეცნიერო პუბლიკაციები;

გ) წიგნების (კრებულების/ჟურნალების) რედაქტორობა, რეცენზენტობა და რედკოლეგიის წევრობა (ბოლო 5 წლის განმავლობაში);

დ) პატენტი (საავტორო მოწმობა) (ბოლო 5 წლის განმავლობაში);

ე) ბოლო ხუთი წლის განმავლობაში სამეცნიერო კონფერენციების (სიმპოზიუმები/კონგრესები/სესიები) ორგანიზება/მონაწილეობა;

ვ) დაცული დისერტაციების და სამაგისტრო ნაშრომების ხელმძღვანელობა, კონსულტანტობა (ბოლო 5 წლის განმავლობაში)

ზ) საკონკურსო მიმართულების შესაბამისი სამეცნიერო-კვლევითი და პედაგოგიური კომპეტენციების დამადასტურებელი სხვა აქტივობები (ბოლო 5 წლის განმავლობაში).

III. კონკურსის ჩატარების წესი

3.1. კონკურსის ჩატარდება „უმაღლესი განათლების შესახებ“ და „მეცნიერების, ტექნოლოგიების და მათი განვითარების შესახებ“ საქართველოს კანონების, ბსუ-ს წესდების და ბსუ-ს წარმომადგენლობითი საბჭოს 2011 წლის 10 მარტის №01 გადაწყვეტილებით დამტკიცებული „საჯარო სამართლის იურიდიული პირის - შოთა რუსთაველის სახელმწიფო უნივერსიტეტის სამეცნიერო პერსონალის სამსახურში მიღების წესის“ საფუძველზე.